



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
SEKTOR ZA EDUKACIJU

Sarajevo, 15.01.2019.
Broj: 06-06-2-82-2/19

Predmet: Poziv na edukaciju „Uvođenje pune kumulacije i povrata carina – korak do efikasnijeg pristupa tržištu unutar CEFTA-e“

Poštovani/a,

Ministarstvo vanjske trgovine i ekonomskih odnosa BiH i Vanjskotrgovinska komora BiH imaju zadovoljstvo pozvati Vas na edukaciju na temu

Uvođenje pune kumulacije i povrata carina – korak do efikasnijeg pristupa tržištu unutar CEFTA-e

koja će se održati u prostorijama Privredne komore Kantona Sarajevo, ulica La Benevolencija 8, dana **29.01.2019.** sa početkom u 10:00 sati.

Puna kumulacija je najliberalnija kumulacija od svih alternativa, zato što omogućava više fragmentirane proizvodne procese. To se zauzvrat dobro uklapa sa globalnom ekonomskom klimom i danas može stimulisati povećane ekonomske veze između privrednih subjekata koji posluju u okviru CEFTA-e. Puna kumulacija stavlja naglasak na administrativni sistem, jer je potrebno da se prate različiti proizvodni procesi u različitim Stranama unutar zone kumulacije.

Ovo je novina, koja nije do sada bila propisana u CEFTA Sporazumu, a koja je veoma značajna i kapitalna za privredne subjekte koji posluju unutar CEFTA-e. Ova Odluka privrednim subjektima omogućava velike uštede kroz povrat carina na korištene repromaterijale bez porijekla prilikom izvoza gotovog proizvoda bosanskohercegovačkog porijekla u okviru CEFTA-e, s obzirom da su do sada trebali plaćati određeni iznos carine na repromaterijale bez porijekla.

Za razliku od preferencijalnih pravila porijekla čija je svrha primjena preferencijalne stope carine za robu koja zadovoljava pravila sticanja porijekla i koju prati pravovaljni dokaz o preferencijalnom porijeklu robe, nepreferencijalna pravila, kao što i samo ime kaže, ne služe za primjenu preferencijalne stope već predstavljaju „ekonomsku“ nacionalnost robe i služe za pravilnu primjenu mjera ekonomske politike kao npr.: antidampinških i kompenzacijskih carina, uvoznih i izvoznih kvota za određene države, embarga i drugih zabrana ili ograničenja kojima su pogodjene pojedine države, i sl., za razne druge potrebe kao npr. označavanje „Made in ...“, javnu nabavku, razna finansiranja projekata i sl. Između ostalog, države uvoznice primjenjuju ih i za primjenu trgovinske politike pri uvozu robe iz određenih zemalja.



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
<http://www.komorabih.ba>

Nepreferencijalna pravila porijekla nisu međunarodno harmonizirana. Kako pravila nisu harmonizirana tako svaka država propisuje svoja vlastita pravila za sticanje nepreferencijalnog porijekla i uslove koji moraju biti zadovoljeni da bi se određena mjera trgovinske politike mogla primjenjivati. Pri tome se pošlo od osnovnih pravila o nepreferencijalnom porijeklu robe, koja su propisana članovima od 27. do 32. Zakona o carinskoj politici u Bosni i Hercegovini, ali i od pravila vezanih za harmonizaciju nepreferencijalnih pravila porijekla u okviru Svjetske trgovinske organizacije i smjernicama Svjetske carinske organizacije.

Učešće na edukaciji je **besplatno** za sve učesnike koji izvrše prijavu učešća.
Prijava se vrši popunjavanjem prijavnog obrasca (prilog) i dostavljanjem istog na e-mail adresu edukacija@komorabih.ba

Broj mesta je ograničen zbog čega se preporučuje blagovremena prijava.
Krajnji rok za dostavljanje prijava je petak, 25.01.2019. godine do 16:00 sati.
Sve dodatne informacije u vezi sa radionicom možete dobiti pozivom na broj telefona 033/566-204.

U nadi da ćete se odazvati našem pozivu, srdačno Vas pozdravljam i ostajem
S poštovanjem,



Elma - Bajtel
Dr.sc. Elma Kovačević-Bajtel
Direktorica Sektora za edukaciju VTK BiH

